

上海图书馆

登记号码

00909106

雪厓公行狀

公諱雄字世英姓戚氏別號雪厓世為金華人本姬姓系出康

叔衛大夫孫文子食采於戚因以為氏而金華之戚則顯於如

璫受業呂成公為國子博士知袁州人

國朝有諱虎者字士顯以詩經中永樂乙酉鄉試教諭吳江卒於

官公之曾祖也妣劉氏祖諱霖字天霖贈文林郎大理評事妣

馬氏封太孺人父諱昂字時望號鶴軒登成化乙未進士累官

貴州兵備提學副使致仕遇

詔進階以公貴進封中憲大夫妣徐氏封孺人加贈恭人實生

公於金臺邸第中憲公四子徐恭人所出者三公其仲子也伯

兄熙早登賢科雋穎天發而天不假年中憲公每傷悼之公亦

志益奮迅研究經籍出入古今遠思遠覽未嘗見其作輟自童
艸時已凝實近裏端重寡言笑雖弁髦衣履間不事華美年十
五喪母恭人哀毀如禮二十廩於學三十舉於鄉辛未登進士
並列高選觀政視陪嘗侍宴升

殿周旋恭慎而威儀整肅卓也非凡壬申冬筮仕建陽政敝民凋
抑多狹猾善訟且加禾比洛二鄉逃僻去縣二百餘里素艱徵
發必極力支撐惟以清謹自勝以愛民爲本首斥積年門皂乃
革方甲乃革逢迎彝酒乃下平懲徭以勞逸適均役人稱便肆
加禾比洛頑鄙畢來宿隱宿欺悉發除去奸民朱留郎其族遂
易建人至今德之時邑庠久乏科第乃議遷廟學自城闕復於
郊關務繁費劇必經營料理百役悉給而從容豫逸略無鞅掌

印

且以其餘力營置良田若干頃畝以贍師生見悉學誌甲戌元
日朝正於京師乃考治行優卓有

旨旌異吏部以才堪治煩改廣之南海維時貪殘成風瑤孽戚里
交縱鎮守總兵尤暴橫不法縱其部曲搜括需求侵漁無紀公
兢匕樹立又時有採珠勅使供億調度又王人給事大行等官
銜

命慶海下琉球琉球彝人迎候館伴祇應不貲又值藩臬議修九
滴水木石工費浩瀚時正窮冬論囚諸務併於一時公爲漸次
救治收換別蠹塞罅絕訛發奸警情用以不匱而民亦不告勞
先用庫役可宴賓會崇飲無侈公至悉已之惟恭惟儉以正相
率而人亦不以爲簡歲有均徭宿弊尤紛及乃首逐老胥而

躬爲僉定遠取新令書後銷戶供事役法允清民窘茲息肩矣
有何論者頑俠任奸積惡彌甚而狹冗逋刑公執而礫諸市萬
口稱快焉內子三載考績道出梓里艤舟入門奉觴爲中憲
公壽丁丑擢南京河南道監察御史不數月具疏劾光祿卿馮
蘭私不法評事林希元侵逆堂官但得

旨蘭乃罷去而希元亦被斥戊寅巡倉首黜倉官之貪盜者數人
戶部主事張汝欽串通攢典肆行盜蝕公廉發其私叅送懲究
而斥去之曰碩鼠之譏爲此輩也

國家將焉用之己卯巡江甬視篆有報江賤戕藩臣使者公投
筴而起盡擒其兇因遂造江船造軍器以備非常凡議處水兌
事數條皆經久可行者未凡寧藩變起塵及畿輔

留都震驚公職在天塹遂如儀真調官軍截守要害如維揚調
鹽臺郡帑銀兩給散接濟軍餉又調軍兵守瓜州以防其比八
乃如鎮江調太倉精銳民兵且日教閱議處江洋以申嚴警備
乃往來巡督長江上至九安慶下至海隅者數四暑雨風濤
無所顧惜雖宸濠奸細縱橫亦自諉曰死生有命一不以怖於
中也迄逆賊就擒始解嚴未幾

武宗皇帝南巡亟如高郵抵淮揚迎

駕小舟隨行備嘗艱險時江彬者勢傾內外府院部曹咸及門餽
謁公獨不爲禮彬怒出不遜語后幸伏誅公獲免其禍既回

鑾值江盜復起公急往擒捕不計其數朝著論保障江防功特
與表裏白金之賜尋代而舉劾所部官僚比衆尤嚴竣事車

念中憲公定省久曠遂移疾乞歸庚辰待報卽行抵家日侍杖履優游登覽尋幽擇勝振衣芙蓉躡足三洞天眞之樂盎如也時中憲公年已九旬而康強愈勝精神倍于壯年公日奉警教居止依仁見者莫不羨焉

上御極萬物爭覩公遂復起癸未赴京具奏援

恩例請封而果獲允封贈父母如例仍授南京河南道御史時南臺中丞王公懋中雅相敬禮欲特疏薦挽專理風憲以需年績不次拔用議成適差直隸清戎方欲領

勅視事而中憲公訃音忽至公哀慟幾絕卽奔喪還鄉經營丘園事竣惟讀禮校書課子而已雖閭里鄉黨尋常交際一不入於眉睫丙戌服除再上

用之得失遠以訂証乎今古百世趨舍之是非而目前淺鮮之
務口體應酬之常了無所干其聰明於諸子孫備極慈愛而斬
也義方每占嗚也之吉處諸弟姪雅敦友讓代巡張公景以公
所撰應澤碑記傳世之文宜鏘堅珉以勵後學周公汝員以公
名德爲典論允協特騰薦剡屢厯勸駕皆一時確論也語其所
處蓋已卓然獨立于風塵之表瞭然直達乎事理之微而宇宙
得喪一不足以介其度也其柁林下一十七年雖投閑家食而
惻時憂國之心未嘗一日忘之尤留心邊防一事觀其刑于詩
咏無于口抄蓋可見矣由公之秉性忠愛略不以出處窮達有
間也夫受邑爲政務平實近民立

朝執法務正直匪躬則公處世之庸行與夫父子兄弟之親師友

僚吏之密莫不出盡其人倫之則雖時有齟齬亦委折彌縫務歸至當不敢以自欺誣世也蓋公之所能者天也在我者也所不能者人也時之趨也故其詩有此心無愧只天知之句公亦何容心哉盡諸亡以合諸天而已矣嘉靖甲辰九月九日辰時冠服卒於正寢無一遺言面色含咲如生距其生成化戊戌七月一日戌時享年六十有七卒之前夕有鳶數千盤旋所居之上暨暮忽黑氣浮出其宅公以次日遂終亦可見哲人之將萎而其異兆已見於先矣將以時年冬十一月甲寅卜葬于比山高村之岡娶張氏里人南靖知縣鵬舉之孫女賢淑端莊令德克配封孺人子男四長寵府庠廩生次寶益府典膳三憲國子生女二長適徽封宜人次適國子生王汝光孫男八崇泰邑庠

京師仍乞南補家宰廖公紀尤極稱羨以時賢多急向用而公獨
甘恬靜乃曰足見廉退之風矣再入南臺雖補福建道銜仍兼
掌河南諸道事各道同官遇有大事輒就叩問凡大議論皆公
執筆兼具疏上聞五事一曰處河患二曰疏運道三曰足邊餉
四曰重江防五曰正文體皆當時切要之言而邊餉文體二事
尤為遠大疏入並見施行時歲大祲畿輔災困特甚公欲免差
南京守備太監以省供費乃上疏其略曰切見南京直隸地方
近因天時亢旱連月不用播種失時農業盡廢加之暑熱異常
疫痢大作衆心惶也救死不贍正

陛下宵旰旰食之時任事之臣所宜急爲區處而消禳之可也邇
者傳聞新守備太監張淮在途病故舊例再推但今災傷重

大人情惶惧朝不謀久如臣前所言者特舉其大略耳乞暫行
停免庶地方無供應之勞道路省迎送之費等因疏入事遂寢
既而又以星變公謂不職致災文班惟溫仁和交結合泓武班
則郭勛庇獲李福達乃具疏論劾其畧曰竊惟人臣之罪莫大
於懷奸國法之行由嚴于納賄乃者武定侯郭勛世受

國恩身膺顯爵吏部右侍郎溫仁和備位台司預參大政爲二臣
者正宜感恩報効乃心王室以身徇國可也夫何貞亮之節罔
聞黨比之風交作清修之志未立穢濁之習愈彰一則交通逆
賊而請托之公行一則結好藩王而賂賄之狼藉此固肱股之
大蠹各教之罪人也夫天下之惡一也李福達之不道上至撫
按下至輿皂莫不惡之勛何人乃不知惡而顧致私書以撓法

生崇毅崇恪崇端崇敬崇道崇教公平生所著有金華縣志四
卷藝賢文軌四卷鄙見日抄二卷易原二卷雪厓手稿八卷續
稿二卷烏臺奏草一卷重定草廬文粹二卷藝乘遺錄二卷歷
代君臣紀畧四卷經子要略三卷國語節要三卷金華府人物
志二卷韻府節抄二卷續編語錄二卷杜韓詩選二卷藝賢詩
選一卷左傳摘抄羣書撮要雜錄禮錄宋賢疏語隱居真趣古
詩雜抄共一十六卷戚氏家乘二卷並藏於家間亦有行於世
者法得並書敢悉以入狀蓋公之學本于六經尤邃于易遠蒐
紀載上下數千年歷歷如指諸掌旁及諸子百家以至天文地
理罔不考究精覈凡讀書過目不忘有叩之者卽應荅如嚮獨
坐一靜室經籍置左右日縮而觀之雖疾至彌留手猶把卷不

休啓視手足之後盈枕席皆冊帙也嗚呼痛哉縣公李西塘誄之云先生以仁義爲植幹以道德爲鄧廓以周名爲依歸以孔顏爲師法兩轡令尹有親民之仁政行奇卓三人憲臺有抗君之疏正氣磅礴進而憂國退而講學手不休卷水山娛樂蕭然鴻衢之表悠然層空之閣是以義理日以精明文章日以浩博允爲一羣之典刑胡爾九原之不作觀此則一時公論之在人固自有不可泯焉者也微憶昔中憲公歿先考竹澗府君旣爲之狀矧乃曾祖王父又予曾祖王父琴軒靜虛府君素所契厚微以通家世好忝爲子婿荷恩罔極知公最深訃音遠至哀悼震盪深以不克侍屬續躬衾殮爲恨敢不稽首乘泣述公之素以俟立言君子采而銘焉實欺文之幸也嗚呼公實有遺德

乎台泓之心迹雖露人亦知之而仁和顧爲之掩匿覆蓋何也
二臣明犯憲章罪在不赦雖屢沐温

旨其于

祖宗禁奸絕惡之條頗相牴牾即今天出災異警動非常上厯九重宵旰之憂屢戒羣臣同加修身意未已也使如助仁和者不即加譴責則法不行于近臣惡或容于漏網所謂交修以禳天變者亦彌文故事爾等因疏入奉

聖旨該衙門知道原公此疏止因奏劾仁和郭勛二人懷奸黨惡無他意也而蘇建之事不過援指証耳尋因大獄事起參查科道會言福達奸惡者俱治以朋結之罪乃因前疏置公南京刑曹問理刑曹擬罪止輸米仍復職而比部覆奏相同奈執政故

參前疏奉

旨着冠帶閑佳雖然公以劾勛落職而勛竟以不軌冒刑則公此舉未必爲無見也且唯時大獄諸同事多得重譴公獨蒙恩馳故有詩曰

聖恩 天地可同寬賜我雲林着一冠春社燕歸欣有主野塘鷗靜已忘官蓋陶然自適充然自足也既歸水厓雲壑養性怡情食惟蔬淡衣惟布素左右無侍兒應門無僮御夫婦相敬如對賓客燕居不妄言不戲謔不詈罵不親細冗不識租利權衡斗斛天性沉靜純恪處暗室無異之大庭尤厭聽市俗俚語亦不喜議過人失非公事不入郡邑悉易不談世務惟日靜坐調息凝神焚香劬書以至夜不寒暑不輟近以檢點其心身平日作

非微所能殫述也

賜進士第朝列大夫陝西布政使司右叅議

子壻潘徽泣狀

萬曆己酉年提學道陳憲牌行府崇祀雪厓公鄉賢祠

照得金華縣故宦戚諱雄文行式於閭里氣節著於朝端合兩

邑而至今俎豆有餘思擢南臺而當年章疏有石畫曲防宸濠之變蓋忘其身逆料李郭之兇幾及于禍勳績不朽著述如新鄉志所載者大略耳本道欽慕其賢及閱鄉賢祀無名怪其何謂爲郡邑極口稱述謂公論久以爲缺合郡遂入崇祀光茲重典爲此牌飭該府各行置主于本月十五日禮送入府學鄉賢崇祀勝具行知過日期緣由繳查毋得遲延致干未便

詩御祖崇祀鄉賢詩

文宗探乘最精詩直指英靈護國揚
勛炳鼎彝應廟食道原洙泗合宮
瞻花前已見甘棠茂梓里重添俎豆
香自幸曾孫今有慶六街燈月助清光

萬曆己酉上元日

四世孫之羔百拜書

東陽戚處士墓碣銘

賜進士及第朝列大夫南京國子祭酒前翰林院侍講同修國史
經筵講官兼修會典通鑑纂要官永嘉王瓚撰

賜進士資政大夫南京兵部尚書參贊機務新昌何鑑書丹

賜進士嘉議大夫南京兵部右侍郎南明呂獻篆額

東陽戚處士卽世之十有五年爲正德庚午余以國子司業轉

南京國子祭酒時處士震器恩應賓興卒業成均以余有塲屋

舊捧狀請銘圖不朽余永嘉與東陽同隸浙西地相密邇風聞

處士懿行矧與恩爲舊契銘烏可辭第愧才非昌黎不足以重

季友耳按狀處士諱林字茂卿號恆德其先葵之下溪人世有

顯曾祖賢祖祐父鼎潛洪武初由下溪徙居東陽峴山之麓

厥父再等改遷于邑東之狀元坊處士又自狀元坊分居于孝
義里母俞氏生處士兄弟四人處士行居三質性醇厚樸實不
華奉二親服食支給不色倦務得其懽心及居喪哀毀骨立凡
遇忌辰必齋素如初喪儀鄉曲招飲歸必詣神位前謝長兄臥
病彷徨醬禱百須畢力次兄以事歿於京邸悲痛無已撫其子
若己出爲擇婚嫁幼弟能治家產特割腴田以勞之禮兄嫂如
對母然費用不計有無其孝友之根於天性者如此待人恭而
有禮者席未嘗或虛言不易發財不妄取燕寢之際雖盛暑未
嘗脫去巾服歲延名師以訓子姓遣子恩游邑率精進士業嘗
戒之曰農勤家必豐士勤學必充又曰仕宦而廉者家雖不裕
然子孫繼也 不絕或剝民以爲富饒計者必遭不肖子孫蕩覆

無遺其訓飭之施于家庭者類如此邑大夫高其行延爲鄉飲
賓邑政之有缺者從容引論每如其言晚歲厭市塵喧雜構東
庄於三台峯下以督耕事暇則與二三知己徜徉觴咏於泉石
間一日歸自東庄遂寢疾不起宏治丙辰十一月二十五日也
鄉之耆彥縉紳趨哭者旁午上距生辰正統丁巳九月二十二
日春秋六十娶同邑尖山北宅王氏子男四人長卽恩娶南宅
王氏次燉娶長林金氏煌娶烏竹嶺俞氏娘娶邑東上市左氏
女一適梁渡金洪孫男七人垣娶田心李氏埔娶蟠松周氏增
娶樺溪孔氏垣坡勤堂俱未娶坡繼煌嗣孫女二長曰嬋適芙
蓉金蓮次日娟未許聘壘于甘泉鄉楊塢山之原以丁巳十二
月二十四日啓途而窆禮也

銘曰

天然質性醇且良孝友一念尤彰已載耕載學履厥常芳名
茂實稱鄉邦鯉庭斷就良珪璋成均養望騰聲光褒章行看
賁若堂我銘白石茲山藏

正德六年二月朔日刻石

詩

投老溪山兩鬢銀南柯一夢亂沉身從今不問東樓月此後
誰瞻西峴雲秋老菊軒閒小像春深藥圃積塵氛賢郎無限
傷心事泣對西風幾日曛

又

永康朱善

先生賦性純且篤炯七丰神出塵俗晚年築室棲東庄何殊

李愿歸盤谷親沒已久恆致思瞻雲問月情孜孜藥圃遺踪
益培植菊軒有像時對之捐金請醫起兄疾腴田與弟無難
色接人待物更謙和天性孝友根懿德平生所慕孟與孔竭
名艱利無心求先生之行槩如此嗟哉世人誰與儔厥配王
氏賢且淑閨門整匕何永肅三從據道衆所欽四德持身世
難續教子慈祥有義方治家勤儉躬蠶桑待賓奉祭務豐潔
脂膏安肯耽容粧但見宜家更宜室和樂不異諧琴瑟歡然
恩愛相周旋桃夭之化今復出人間有此女丈夫屹然能把
綱常扶先生得此賢內助哉世人誰與俱慶鍾庭戶芝蘭
茁蟄匕益斯自成列雍容禮義式鄉邦眼看總是人中傑繼
述永言維孝思世濟麻美相步趨生事死葬祭以禮百世猶

有無窮悲巍也碣石樹楊塢雄文赫也照千古先生既孝子
復然世似先生不多數行見

褒封天上來九原之下親顏開世但人知孝哉稱閔子我謂先
生父子皆孝哉

又

岷縣樓懷忱

少微一夜晦光芒入夢華胥路渺茫南圃有傳春尚在東籬
無主譽猶芳松楸樹也含餘恨猿鶴聲也悲夕陽命子宦途
今發軔九原可慰看焚黃

又

新昌俞朝文

超然行誼是平生藉也各推月且評窻下遺經傳令子籬邊
黃菊寄高情東樓月白人何在西峴雲歸夢已成惆悵英魂

招不起夜深杜宇自聲聲

又

冰水何瑤

嘉遁林泉已有年獨遺芳躅至今傳藥香菊綻人何在月落
雲收夢不遺五夜遼城歸白鶴千秋楊塢鎖蒼烟心同痛苦
恩難報捲捲雲風淚未乾

又

新城袁旦

樂道人間六十年一朝薤露起林泉雲橫西峴誰爲主月照
東樓像獨懸有子沾恩春蕩七無緣分祿恨綿七顧予亦殞
莊椿樹展卷看來一泣然

又

黃巖符匡

古葵東頭賢處士玉梅初就阨龍蛇平生重義人多惠到老

耽詩鬢易華西峴白雲迷藥圃東樓皓月映黃花碧霄有子
能終慕話到傷心淚似麻

又

四明周監

衰帷無復侍晨昏愁見西山一片雲哀思每隨生處起憂心
時向斷邊分望凝馬鬣空秋草日暗松楸又夕曛我亦思親
今不得花箋畱作斷腸人

挽

慈溪王淮

親歿多時不可尋卻從何處問升沉東樓見月探消息西峴
觀雲嘆古今秋老菊軒神色慘春迷藥圃履痕深死事思盡
生盡力今人還是古人心

東樓問月

慈溪桂錦

爲憶雙親愁奈何憑闌泣血問姮娥樓成作記非虛說地下
修文只恐訛不是蟾宮來折桂也應銀漢去乘槎須知愛月
人何在空使清光今夜多

輓

同邑單旭

一輪皎潔自無私借問人生修短期慈母奚爲身蚤逝嚴君
何事壽先虧玉埋泉壤應多日魂返庭幃在幾時踏遍東樓
終默也潺湲清淚欲交頤

輓

南明俞廷獻

往夜樓東月在天阿翁曾此問嬋娟二三魄甚如鈎曲十五
形何似鑑圓撲鼻天香凝酒罈潑眸風景入詩聯自從大故
身惟後一度登樓一泪漣

輓

同

一自騎鯨歲屢除近傳消息在清虛
歎為吳剛道何日乘風返故廬

輓

同

椿萱凋謝幾經秋無限傷心獨倚樓
試向姮娥問消息靈魂曾入廣寒不

西峴瞻雲

同

每登西峴倍思親一觀孤雲一慘神
惆悵梁公歸去後寥々千載見斯人

又

同

西峴峯頭長望時孤雲縹緲動遐思
何人授我神仙秘化作

飛鳥萬里隨

又

姍生徐汜

賣金教子生前志
覓地栽花去後心
春到園林和氣運
百年俱是看花

輓

慈溪秋江張珍

駐馬東庄覓後人
攀鞍訴我泪沾巾
一經未遂顯揚志
四詠摠存翰墨新
風月吟懷成故事
孝思潛德仗誰伸
乾坤無限傷心恨
總有哀辭狀未真

輓

義烏陳坦

兩鬢蕭也已有年
無榮無辱地行仙
不於北闕求軒冕
甘向東庄避市塵
忽報漆園俄化蝶
忍聞楊塢亂啻猿
愧無楚

些生芻弔關筆潛匕只淚漣

又

蘭江黃廸

白雲一旦遠飛揚孤子瞻依思渺茫
入戶儀容時想像趨庭詩禮尚昭彰
風霜秋老生悽愴雨露春濃動感傷
不省光陰能有幾此情無日不羹墻

又

同

憶自中宵殞少微士林聞訃不勝悲
覃施家政天倫處素重鄉評月旦時
籬下草生閒眺屐竹邊風冷廢吟卮
詩書教子應無負埋玉青山有頌碑

東樓問月

徐璋

先生何事愛登樓月上東樓色正秋
親去樓空明月追冷思

此際不禁愁

又

同

閑飢東樓上河隨斗柄橫月明秋正好人靜夜偏清爲愛光
華滿都忘物色情商仙杯未嚼何事又騎鯨

又

烏傷陳九章

先生行誼古人儔高節清風少匹休教子詩書成大器傳家
禮樂繼前修孟嘗門下悲吟室和靖湖頭冷畫舟回首東庄
舊遊處斷雲斜日動人愁

又

永康朱方

峴雲頻起月黃昏藥圃時培菊尙存繼述有人均世濟孝思
維則永傳心

又

瑞安黃文正

衆人德二三先生德惟一衆人或承羞先生罔不吉厥富惟
身安蕭然坐蓬室相對主與賓不聞陟與黜拄杖雙溪干躡
屐孤山萃秋籬醉菊容春山采芝術門栽竹間松園收芋和
栗買書賣黃金教兒富儒術惠澤施困窮遐邇蒙周恤不責
人所報惟知累陰隲一朝謝塵世蓋棺事終畢幽光播穹碑
昭七太史筆顧余與令郎托交久且密識
公竟無由企德良有日何年謁立堂再拜陳方宓

分水劉采芹

東陽隨宦歲更六交遊人物美如玉別去於今三紀餘偶逢
舊契論心出戚門憶昔曾相過當時接我同春和賢郎應貢

朝天日嚴親墓已生菘蘿平昔義方能教子王令成器今如此吁嗟有子成親志嚴親雖死猶不死

又

太平周子德

頽然一夢熟黃梁天喪斯文世共傷經訓已符麟鳳瑞
褒封擬見姓名香山猿野鶴多遺恨荒草斜陽幾斷腸珍重
司成銘墓筆九原千古闡幽光

西峴瞻雲

徐璋

雲去雲來雲復棲當年瞻望思依依思親更有思親子舉目
西山淚滿衣

又

徐深

西峴高峯上氤氳一片雲無心時出岫有色漸成雲思慕音

容切徘徊瞻眺勤滿懷多少恨灑淚幾朝曠

菊軒小像

同

誰把丹青為寫真菊軒小像十分神先生孝行孚仙筆畱得

英雄百世春

又

徐漳

小像菊軒中童顏鶴髮翁貌清神易寫心古畫難工種德多

慈愛傳家只孝忠我來忝姻婭再拜仰高風

又

慈溪桂廷璵

幽軒高築峴山濱只見黃花不見親小像暗隨秋色老清容

空對晚香新華前誰復盟詩社畫裏徒看酒醉巾惆悵吟魂

歸去遠令人對此益傷神

東樓問月

東鄞徐勉

椿萎萱枯一徑幽夜涼空見月當樓玉輪有約親何在寶鏡
無情恨未休竊藥可經冰窟過看花曾到廣寒遊倚闌不敢
高聲問祇恐姮娥聽也愁

又

慈溪桂廷璵

良夜迢七月滿樓倚欄欲問恨無由空懸寶鏡光長在親隔
泉臺路更幽素魄獨遺千載恨清輝猶散一天秋我來不忍
歌周雅爲爾相思到白頭

藥圃遺踪

徐漳

藥圃經營用意精愛親惟欲遂長生親身不共乾坤老孝子
還嗟藥未靈

又

徐深

藥圃多栽藥謀生計不疎
參苓供服餌花木映墻除灌引新
開水觀瞻舊讀書高人遺跡在撫景謾猶豫

菊軒小像

句章王暕

菊軒人去竟悠乚幾度傷心怨未休
素像獨遺千古恨金英發一庭秋
酒香不見花前伴月冷徒觀紙上裘
爲爾孝思情愈切寫詩還記昔年遊

東樓問月

慈溪桂學自弱

月出皎兮獨我東樓薄言問之以銷我憂
彼月斯何有虧必盈我親維何死不復生
魂飛自天逝將何適我欲從之曷究其極
胡月之不應疇知予之戚

西峴瞻雲

同

陟彼西峴載瞻行雲或出於杪或泊於濱瞻言謂何我親所
遊我親何之白雲悠々梁公之心太行之道願言乘之訪於
四表庶或見之以終予老

藥圃遺踪

有圃有圃衡緒其畦匪玩好之蒔唯藥之滋芎苓薑桂知志
參著百爾我益靡不植之於昭在昔先君之績宛然遺踪我
心戚々杖履何從音容何卽瞻仰昊天厥施罔極

菊軒小像

瞻彼菊軒有覺其庭烈考有像斯是之室嗟々斯像死生不
爽于以奠之莫予云饗嗟々黃花誰其尸之顏色具在曷飲

食之曷飲食之我心孔憂悠七蒼天亦又何求

東樓問月

陳德榮

獨倚東樓午夜天
人窻開處月娟娟
親身去後魂無返
體魄虧時缺復圓
孝子至今興痛仰
親朋從此罷詩聯
登臨不覺身憔悴
回首西風兩淚漣

西峴瞻雲

思親何日見親顏
每望朝雲去復還
腸斷啞猿情眷戀
恨隨流水響潺湲
一聲殘笛西風裏
幾點歸鴉落照間
有路得通泉下去
綵衣重視戲南山

四題合

鄉進士義邑虞守隨

婆北高人骨已寒
士林無不涕泛瀾
東樓有月今誰問
西峴

多雲近孰看藥圃就荒春兀兀菊軒空設夜漫七七微詞頗狀
平生事更寫新詩示不刊

鄉進士天台龐龍

緬想東陽桑苧翁古人節槩竟誰同神遊蓬島仙風幻名在
鄉閭月旦公未會中朝旌隱德已看外史述遺踪傳家更
有龍頭子不在先生教教育功

章敏和忠器韻

聞道各園趨更幽眼前景藥品爲誰畱舊栽竹祖穿籬畔新種
桐若傍石頭白朮每從秋後拾黃精偏向社前收君家人有
活人性我欲攜朋此地遊

永思四詠

素齋陳激

親逝號天幾斷腸
思親何處是親鄉
東樓問月無消息
西峴瞻雲恨轉長
菜園空留遺跡在
菊軒猶有姓名香
嘆予蚤見巖石背
展卷題詩倍感傷

西峴瞻雲

永悲西峴露霜寒
悵愛飛雲自往還
排闥望昔情慘愴
捲簾對處泪潺湲
故知含咲黃泉下
安得承歡白晝間
一點孝心追狄老
宦容專美太行山

永康徐瓊

自入東庄心便閑
悠然跳出利名關
每將孝友施家政
更把詩書作太閒
賦就玉樓成德事
夢隨遼鶴幾時還
不徒手澤留遺跡
儘有聲名在世間

永思四咏後序

禮曰跬步而不怠乎其親孝子之心也心爲思官不嚴則失
匕之則漫不知所自矣又烏可哉今之爲人子者質匕於功
利之傷親存而奉以甘旨親沒而歛以棺槨是謂足矣抑何
有思其親於旣沒之遠皇匕然不安於寢不甘於食而致孝
者乎但思奉其身綺紈輕煖以華其體肥馬高車以矜於人
而邈不知其親之勞於前以成乎業於後俾其得以享焉且
歲時伏臘修祭祀則曰親沒旣久神逸飄散其何有格爾蒸
嘗焉而孝思之意曷乎其不知也聞有能思其親者又曷有
終身者焉余嘗嘆無其人也久余成進士第歸里過東陽見
戚生肅然有儀伏揖進曰生自弱冠而二親卽不逮養推恨

終天莫之云報竊取永言孝思之義各其堂以不忘所自復以親之食息起居之所立爲四題請諸聲詩者播之歌咏以思終身昔嘗徵慈溪桂先生叙其由於端願乞一言以序於後余維終身而慕者惟舜之大孝能然繼此則曾子不忍羊棗而情深于嗜好之餘其孝思垂訓於聖門雖千萬載下猶津津使人樂道者今戚生食焉而思其親之所嗜有所不忍息焉而思其親之所樂有所不安起居之際又能思其親之所在惻焉而興悲以求四方歌咏若將終身然其爲孝也大矣今

皇上以孝治天下求忠臣必於孝子之門舍子其誰耶子將益敦其孝日以大舜曾之子事勉之余固喜其爲孝有以敦乎

風化故不辭而載之簡末

昔

成化三年丁亥冬十月朔旦

賜進士出觀刑部政

富陽葉稠序

跋

人之於其親之沒雖如舜之終慕亦常事耳然而千載之下
求如舜者亦何寥々哉東陽戚茂卿能於親之沒慕之不忘
可謂孝矣而各公賢士又皆為之題咏以慰其懷余方痛親
之沒而慕之不見因涕泣而書之既以勉茂卿且以譏余之
同其悲云

曾

成化七年辛卯秋九月 朔旦

賜進士第吏部尚書政天台

潘貞應跋

清河話別詩序

肅五公

博興薄姑郡也治城之南八里灣頭有小清河也水清且漣
漪漁舟橫渡河之上有橋也之左右楊柳依依卉木萋萋也
之宦達士大夫凡有事於外者率於是而祖餞之今昔然也
時維東陽戚老先生論吾博七載多士悅之縉紳聲之當道
賢之今擢大嵩文博啓行有期諸寮案士大夫不忍別各賦
詩什若干求善繪事者繪斯圖以惜別意囑予序以弁諸專
竊謂學校治化關乎教科日人才係乎師也道立則善人多
教條嚴則風化美師教之關係於世道也重矣昔象山陸子
靜與弟子美問學淵粹相爲師友尊程氏之說究義理之源
二公皆有功於師道之責一時學者樞衣雲集天下皆知所

向慕故晦翁曰子靜之教人以尊德性爲主游其門者多踐履之士後世賴以象山爲禪而宗之者甚衆浙東文光先生掌吾講教有明道之春風和氣有伊川之氣象森嚴以學之粹餞追古循匕善誘乎人故學校興風化美科目人才之盛興啓斯文之功真無愧古聖賢之教亦無愧於斯行也歟故於其行也縉紳士大夫莫不載馳載驅遠送於南而餞焉此清河話別之圖所以繪而長篇短什之所以作也於乎諸士大夫稱觴展而玩之朗而誦之皆以予言爲然

曾

嘉靖丁亥仲春

萬全都司武學教授致仕守愚李聰拜書

時軒胡崇易

春風浙東來鼓動海之隈薄姑古名郡陶成多英才芳聲馳
天曹榮遷特異哉琴書剛身束車馬忽相推雨過輕塵浥渭
城歌幾回濟七藍衫擁遠拜都毡毳一劍橫肩背文光映上
台我叨儒流中短句爲君裁

守愚李聰

山居虛室間春飈浮林臯雅會香山叟詩酒叙文翰贈餞文
光老山斗一何高苜博籍餘樂輝育多英豪師生兼恩義科
目占魁鰲桃李勝芳菲芹藻無猶臊風聲揚海岱藩臬舉賢
勞薄姑頌改觀薦剡入

天曹

朝廷重儒職會見荷崇褒匪特樹勳烈將以佐

皇陶

靜齋張安

道德功名絕點埃遷官今喜赴蓬萊家聲不忝三蘇學師範
堪追二陸材科目人才多啓發門前桃李勝栽培江南教化
敷東魯獨有文光映

上台

健庵高宏

薄姑邂逅挹清芬瀟洒襟懷迥不羣道德自然開後學才各
端不負斯文春風緩步嵩壇杏化雨香沾芡泮芹今日三鱣
應有兆登庸行見位及鄰

東姑胡越

祖餞何如感慨頻
遷書榮擢老儒紳
三杯別酒清河上
一葉扁舟渤海濱
香藹春風芹泮煖
紅開化雨杏壇新
丈夫莫道青氊冷
指日升騰要路津

門生霍仲仁

江南儒雅老先生
載道東來續錄鳴
桃李數千歸鎖鑰
珠璣萬斛本源貞
金闈應托邱山重
玉問還同冰月清
逕望大嵩雲樹渺
離愁無奈鳥音嚶

門生孫應濟

條教敬寬方七載
遷書又下五雲中
頓將豪氣干鈞筆
掃作甘棠百里風
歌遏行雲情戀七
酒酣離曲雨濛七
與師恩義

相兼盡薄送南坡話別東

門生王繼業

亟丈從容慄士懷齋東誰不羨奇才文同韓柳無纖翳教比
歐蘇絕點挨高擢已隨琴鶴去重遷還應璽書來相攜無奈
長亭別雲樹瀟條曙色開

門生孫應濠

喜得君行蚤登門餞拜時祇因恩義篤歌詠贈行詩鼓角風
聲悉關山雨後思惠承雙鯉素愧乏半梅枝圖繪清河景何
如惜別離樽應送客連壁可同誰望遠傷南浦高車駟馬

馳

門生仲義

碧江風淡水如旌雲樹蒼茫鎖去程岳竦海深恩與義烏聲
上下動離情

門生王 威

琴鶴相隨早促程蕭七鼓角慘人情一樽別酒斟行色三疊
離歌唱去聲高泮暫須收大蹟長才端不負平生臨期未盡
徘徊意喜餞黃華驛使行

門生王 相

遙望除書下月邊英勞聲價信超然橫經幸及傳心始拜命
剛逢報政先雨過龍門飛紫電雲收海島見青天三鱣允協
升騰兆安得相從侯講筵

夏治月止方言

卷之三

三

賀

大德望南泉戚翁六旬華誕序

享十
一公

歲嘉靖己酉五月初七日迺南泉六旬華誕辰也其族衆英
彥因過予請一言以爲翁也壽因獵纓譚曰人生天地間壽
固難壽有才德賢內助賢允嗣猶難之難者翁生於望族幼
敏慧讀書過目成誦見者奇之夫何以獨子少孤拮据諸務
日且遑亡因棄舉業而理煩劇治農商所嚮綜理無不優裕
卽史所稱善時務若猗頓陶朱何以加焉且也庭趨詩禮家
傳忠厚保正一方公務襄理有司屢加優獎乃其以才起家
以德臻壽厥配周氏令德宜家蘋蘩有托厥允祖德溫良性
稟令緒克承茲者壽躋耳順洗南山之觥開瑤池之讌邀親

朋於書錦慶長春於一堂天和與人事而偕盎麗色共瑞氣
而同舒夫固人間之一盛事而不可不爲之掄揚也者自是
而古稀而耄耋而期頤咸斯以漸進之也其遐齡鶴算日月
壺中又寧有紀極乎哉是爲序

昔

萬歷歲在戊申陬月 穀旦

賜進士第正奉大夫四川等承處宣布政使司左政使居左

程正誼撰

賀

大達尊鳳山戚翁五旬華壽序

享三十
五公

余自幼讀書於戚氏書院二姓世締姻友且鄰居也於戚氏之誼最深今自京邸回暇日借繼所勢凡麟源輩譚世務傾道其族派居東邑竹里有諱汝芳者號鳳山今十月二十有四日乃其華壽之辰也請一言以爲岡陵之祝可乎余以義不容辭竊援筆言曰昔觀史觀華封之祝多福多壽多男子余以爲人所難也今於鳳山翁見之乃其世傳忠厚積德流芳勤儉處家煩劇綜理田疇豐稔雞彘田疇之樹畜廷匕在望井匕有條理也其富徵與且能調和媵理暢瀾其四肢頤養天和長生不竭今茲之壽乃其始也其壽徵與慶澤攸鍾

山川萃秀鞠育多男連誕四子卽周之八士鄒之四鳳何以
加焉其多男徵與人之所難者鳳山翁之以易也非其奕世
之積德何以有是多福乎中庸曰故大德必得其壽又曰子
孫保之富特其餘事因爲千秋歲一闕以華其祝云

海屋添籌萬里祥雲遠桃正熟金風曉朱門增瑞氣錦
幙藜華耀黃鶴舞丹成恰並坤老

南極祥光渺絕嘯飛青鳥長春景盈蓬島金粟如來迥
白鹿千年草崆峒峻壺中日月春無老

萬歷歲在甲寅孟冬穀旦

賜進士第奉直大夫北京刑部福建清吏司員外

眷生葉官

謙三十六府君暨安人徐氏行實

稽古砥行立名之士績著當時聲施後世若夫潛德隱行孝
友睦嫻仰不愧俯不怍生則遐邇稱之沒則老幼嗟悼而嘆
惜之道路口碑傳誦不輟此則我翁太翁孟祥氏諱之俊戚
公足以當之乾隆三年戊午秋修輯戚氏家乘將竣曾孫廷
模等囑予爲祖狀行實予謝以疎淺不文而廷模等固請不
已因思予父子受恩兩世姻重敦誼不容辭乃按狀而述
之太翁昆季有五行居三性至孝定省視膳之禮一無所
虧自曾太祖諱汝芳棄色養時痛哭不已寢食俱廢哀毀骨
立以至喪明居喪畢而太伯翁欲分產各居而太翁堅
執不允無如斯議一出而心異者日多諒勢不能阻遂與

大叔翁諱揚告曰吾之所以不允者以先君詩書之願未醉故耳先君在時欲光門閭振家聲朝夕課責者非兄則弟惟汝與吾耳吾計兄弟中資學可望者在汝也若理家務汝志分矣繼先君志者誰也吾雖失明蔽目而不蔽心凡事可以坐理我將與汝合爨爾可安然肄業矣爾以爲何如 大叔翁翻然悟曰兄若如此敢不惟命自從我 大翁調遣有法家政肅然就理處事有方內外井然安分耕者力田讀者奮志自族屬以及親朋佃人奴隸莫不推誠披衷待之如神君每論人高下及世事成敗若河決下流燭照數計而龜卜者非 大翁之才畧過人而能如是乎不數年而 大叔翁遊庠聲振士林其有造於 大叔翁良非淺矣又不數年先

三

岳父諱霖臣必並升黷序信乎爲善必昌始有造於者弟還以報其子天之報施善人何其速也迄今子孫輩彬々儒雅爲鄉黨所推重者甚衆非太翁積累於前流裕於後乎吾知太叔翁當時必銘於心以傳於子孫使世々毋忘舊好豈至今賢裔竟無景仰前徽爲之追頌於不替者乎噫事親孝而不居孝之名友兄弟而不居友之譽宗黨眷屬有睦婣之實而不博睦婣之名殆所稱誇修練要俯仰無漸儀型奕葉者古今同揆也而謂得不與旂常竹帛之倫並懋天壤耶厥配徐氏賢且淑無違夫子相敬如賓有佐助之能多謙遜之德咸齊眉於皓首迨至晚年優游養重卒於正寢子一霖臣邑庠生女一適暨邑嶺後吳孫二長標臚業儒次標選

克繩祖武孫女二長適暨邑蔡茂籍次適縉其曾孫五其立
孫甚眾筆不盡載皆玉樹森七芝蘭馥七故詳述之以為後
世子孫織梗槩云

昔

乾隆三年歲次戊午季秋下浣

練溪採堦郭欽縉頌首狀

先祖謙四十三庠生行實

先祖

諱

揚

字

君培別

號

澹庵享三十五公之幼子也為人金

玉自持言笑不苟幼讀書過目成誦及

庠每試前列名噪

詞壇性至孝事親先意承志就養無方尤所難者先伯祖

諱

之後居喪失明先祖事之倍加詳盡白首同居不戒晉陸機

之遺風焉與人交肝膽氣誼直邁古人居鄉未嘗以賢智先

人顧為人排難解紛則嘗有餘刃周卹鄉黨恩誼款洽一時

咸嘖也稱爲長者雅喜遨遊山水得楊賴之秘嘗慨先人之

暴露慨然鬻其祖母潘氏粧奩求其地以葬之而先祖母亦

無難色卽此亦足以見吾祖之孝思與刑于之化矣禮有云

子孫之守宗廟社稷者其先祖無美而稱之是誣也有善而

弗知不明也知而弗傳不仁也此三者君子之所恥也進

先祖之制行卓匕如此而不能論撰其美以著明於後世進

卽不肖何至蒙恥若是因謹誌其梗槩於於萬一焉先祖生

三子長諱光羸字登生次諱光洲字洽生幼諱光泮字芹生

卽進皇考也女一適麻車埠王錫鶴孫八玄孫二十有一曾

孫四後尙未可量同祖妣合壘本都白殼塘西土各十六與

先伯祖謙三十六府君併墳遵遺命也

昔

乾隆三年歲次戊午菊月

不肖孫標進百拜謹識

澹庵戚公像贊

謙四
十三

懿維我公負天廟器名山讀書雲垂雨霽川原仰浦積厚者
流其文可將其醇可俟熙崇族黨各重膠庠至今數世聲猶
遠揚我生較晚傾心令望來游竹里式瞻遺光

戚母潘太君像贊

白石清溪明流如珉玉立亭七雲烟扇鏞啓帷篤學鄰灼瓜
心婉從順事絡緯孤吟肉飫酒諧坤原爲釜夜雨一瓊勿以
墮武太君安節詒毅衍椒徘徊瞻仰有鶴在霄

昔

嘉慶廿二年季冬上浣之吉

心

候選知縣程杼題

戚用賓先生行傳

先生諱光國字用賓謙七公之次子也生於明季萬厯間幼

穎異長而嗜學凡五經子史百家靡不畢覽弱冠卽補博士

弟子員各噪詞壇 國朝定鼎後年逾八旬精神矍鑠猶赴

郡試志不少倦奈數奇不偶屢困場屋不克大展其才爲可

悲耳爲人樸茂鮮華取具不苟立身行己莫不繩乎規矩穆

然有古君子之風焉初余講學俞家先生每過訪劇談終日

皆嘉言懿行相爲切磨之意不僅如近今之徒尙聲氣者叙

寒暄博歡笑也其愛人以德有如此者故吾鄉之後生小子

考德而問業者亦多就焉一時咸目爲魯靈光云娶李氏繼

娶郭氏皆溫柔淑慎無忝姆儀舉丈夫子五長士特次士科

三士啓四士魁幼士翔俱克肖而幼子士翔尤才技過衆率族修葺家乘以先生行傳爲請于深愧文非昌黎不足以重季友顧念先生與于過蒙鍾愛又念先生行誼足爲吾里典型因不辭鄙陋而略序其梗槩如此

昔

乾隆三年歲次戊午月大呂月上浣

年家眷弟世庠生梅庵徐洪吉拜撰

和世四公暨安人王氏行實

語云厚德載物夫厚德者非獨諸福所基卽光前裕後靡不由此知我 岳父戚公霖生氏 諱霖臣 號濟川者自幼穎達過人成童之日卽銳意讀書潛心舉業凡六經子史載籍大家靡不博覽故一舉遊庠聲譽日起儒林中推爲各宿余嘗考戚氏家乘其先世代有各儒人文蔚起而 岳父之派尤盛迄今英哲輩出聲振鬢序者繼七相繼蓋前美彰而後盛傳於 岳父乃信然矣况賦性純粹生平之行誼動合古人者不可殫述至奉庭幃以孝處昆季以和待族黨姻戚以禮馭童僕卑幼以思誠先氏之遺風而貽謀之令範也皆其恂七以善氣迎人訥七以括囊自守豈晚近所能及乎或遠近

名師良友騷人逸客至家者莫不延留款洽以視封殖自好者相去爲何如哉所可慨者中年赴試中塗冒風成喘連年開發苦於遠出生平抱負日消磨於湯藥中僅以宮墻終老悲夫 岳母王氏系出名門善長公之女卽孝子永王基公之裔孫女也幽閑貞靜閭範夙嫻以孝敬事舅姑以謙和妯娌以勤學相夫子母儀婦道兩無愧焉舉丈夫子二長諱標臚賦性明敏自少負凌雲之志因數奇偶不獲庠而其胸中豁達大度慷慨能緩急人偕弟諱標選大振家業建造廳堂增光門閭誠可謂克繼父志不愧衆賢女二長適暨邑蔡茂縉次適縉孫五人曾孫十餘人皆英乚秀起知爲異日千里駒也孫女四擇配名門家乘備詳茲不載 岳父生於

順治甲申六月廿六日亥時卒康熙辛巳六月初十日寅時
享年五十有八 岳母生順治丁亥正月十七日子時卒雍
正辛亥十一月廿五日辰時享年八十有五合葬十一都孝
德鄉太婆塔土各犁鳥塢之原午山子向嗟夫以 岳父之
才德而未獲大展者亦以天之報施不於其身必於其子孫
迄今登 岳父之堂視 岳父之後莫不彬匕詩禮古道照
以吾知必有能繼祖父而克光其大業者若 岳父真可謂
光前裕後者矣豈非厚德之所致哉 綖誼屬半子敢僭數言
深愧不文惟名世君子採而銘之謹狀

贊曰

翁體端然翁貌靄然衣冠整飭笑貌依然胸次磊落襟度豁

然前行言往景仰欣然詩酒琴棋適性陶然桂蘭並茂蔚然
而森秀埴簞迭奏鞞匕而鄂然堂構怡匕庭政肅匕親友交
遊終始殷然富厚勢位漠然視之窮通得失泰然處之平生
懿行惟翁乃然

安人徐氏淑德賢能相夫教子如友如賓若夫氏與翁之齊
眉鸞算莫非厚德所致而並躋乎遐齡是知因才而篤亦理
之自然不特遐邇爭羨抑且子孫之振匕

昔

乾隆三年歲次戊午季秋下浣

子壻郭欽綖百拜謹撰

先考和三十七府君行實

先君行和三十七諱光泮字芹生別號敦齋謙四十三庠生之幼子也自幼立志不凡恆以讀書爲念嘗語吾母氏云人不讀書不啻面墻君令臣共父慈子孝兄友弟恭夫和妻柔之義懵然莫識吾母樂其言不違其志朝夕刮磨尋思古今聖賢之理無不洞徹苟得遂其志亦可以大振家聲矣奈叔伯分居家事叢集功名未就恆爵也不樂吾母復慰之曰君既不能自成其各益成其子乎自是惟以教子爲事訪各師接良友益加嚴肅未嘗少怠嘗戒進曰讀書當及時猛進如大禹之惜寸陰方能成就苟少壯不能努力一旦家室相累如吾者雖欲力學而無由悔無及矣進因識之不敢忘至康

熙戊子年進幸入泮而先君乃欣然自喜以為吾子雖未大就亦庶幾稍慰吾志耳憶先君年未艾即喪吾母有勸其再娶者輒潛焉出涕乃云非惟不可實不忍耳况吾氏勤儉成家義方啓後和妯娌勤織紡不辭勞瘁鞠育四子俱已婚配吾若再娶而坐享成福九泉之下恐無顏見吾妻也孤衾獨枕二十餘年至七十二歲而終於正寢嗚呼罔極之深恩未報而追思平日規戒之言恍然如昨因謹識之以示於後亦以見進之不肖克至成立不終於廢棄者其來有自云

嘗

乾隆三年歲次戊午菊月

不肖男標進百拜謹誌

贊曰

幼志不凡超倫拔萃家業爲累窮經未遂志莫展舒懸也錫
類長子遊庠深於教誨淑人吳氏爲翁作配四子克家森然
純粹壽也有三喬松高翠

贊曰

太君吳氏出自延陵夙嫻閨範淑慎而貞助夫教子最是賢
能治家有度日儉惟勤和處妯娌以友如賓桂馥蘭芳玉樹
森也壽雖半百美媿遐齡

昔

乾隆七年歲次壬戌之秋

覲北徐洪吉拜題

家大人順十八朝奉事略

先君

諱標臚

字

傳侯別號素庵先大父邑庠

諱

霖臣公之長

子先母王氏安人係麻車埠季瑞公之次女男二長廷模次
卽楷也先君賦性耿介英敏異常成童時相傳極爲大父所
鍾愛比長苦志芸窻文各籍七奈數寄不偶困童子試者幾
三十年遂無意進取藝花種樹日與二三知己賦詩飲酒以
自娛焉性至孝大父於康熙甲戌年間赴鄉試冒風喘作先
君請醫調治與先母親侍湯藥衣不解帶數年而大父謝
世先君哀殷骨立幾欲無生親族咸稱其孝且胸中磊落俠
烈過人鄰有趙某者其妻戚氏新寡矢志守節內外欲強奪
之氏堅志不從欲自盡者數四先君挺身赴救而事漸寢後

復央人以十金賄先君乃作色拒之曰強娶寡婦正欲首官以鋤奸淫以表節烈而反以利誘吾乎汝視我爲何等人耶來人惶悚而退自是子母得完聚成立焉有始祖墓濬六十入都土各場塲於康熙己卯間風狂木拔被地豪強佔不吐衆叔伯無可奈何先君乃曰木雖細事漸不可長遂控官追比不辭勞率嗣後秋毫不敢有犯又有三都高祖墓被李姓侵界衆欲控官先君獨不可曰控官不易結案不如讓他使地潛復舊界之爲得乎後果如先君所言其智略有如此者向有戶總某吾鄉之蠹也推收飛灑索規例不厭先君挺身出已發告縣責革後衆欲推先君任之先君曰不過爲鄉曲除害耳吾豈有利於此哉遂擇忠厚者委任之竟不償其

費其公爾忘私又如此者噫先君所爲類多義舉皆有關於世道人心者也使達爲世用其敷施功業必彪炳天壤垂光史冊乃天厚其藏不展其用命也何如尤所難者叔父丁大父憂痛泣喪明先君事無巨細必與商確凡田園廬舍之所入一錢尺帛不入私房至老無間言以視世之處兄弟而以財產相競者相去亦甚遠矣至於孝養祖母之誠皆楷等所耳而目者楷等正欲以先君事祖母者事先君奈我安人於康熙戊戌春月抱病先卒而先君亦於是年得傷脾之症疾革呼楷等戒曰吾生平所爲未嘗獲罪於天地負疚於祖宗背理於兄弟師友獨祖母在堂不能終養有餘憾耳汝等能體我之心繼我之志善事祖母則吾目瞑矣言訖而卒是時

三月廿七日卯時也嗚呼痛哉先君之處心制行不待記傳而自顯者楷等不肖不能光大先德特追念先君居常行事之大畧瀝血泣書存諸家乘之末以俟採風者錄諸彤管聊酌寸心之萬一云

楷

乾隆三年歲次戊午律應大呂上浣

不孝男廷楷百拜謹書

順十八公像贊

贊曰

外貌魁梧內優才智雖不遊庠文墨投契孝以事親友于弟
兄治家嚴肅接人樂易非僅克守先業兼能恢宏先志酌酒
藝花特餘事耳尊嚴之喪葬已克殫厥衷有垂白之尊堂胡
遽然而早棄是亦可悲也已公壽未及知非公志於何克繼
蘭玉森七盈堦繞砌是雖不享夫長年亦應能了却生平之
事

安人王氏像贊

贊曰

孝事舅姑每爲上所推許敬承夫子終不違乎其志善處妯

媿藹然和氣要知婦道克嫻從不聞其析箸和樂且耽家道
日裕正宜安享遐齡亦胡然幾半百而早逝雖然二子克家
蘭英玉樹縱不獲壽考於生前亦庶幾享蒸嘗於弗替

昔

雍正甲寅年季秋

峴北徐洪吉書

順世四公行傳

竹里戚氏由來久矣有諱標選字銓侯者係邑庠生霖臣先生之幼子自幼惇操行隱德弗耀事二親以孝待昆季以友訓子弟以禮處鄉黨以和人皆稱其有長者風方弱冠失怙日夜悲哭饘粥少進因而微生目疾後佐兄操理家政克儉克勤家道日裕置田產建廳樓洵可謂克家之子恢宏其先者也無何兄嫂同年繼逝遺二姪一女婚嫁之事亦翁一身任之家務倥偬又加悲傷目疾遂深竟至喪明歲甲寅予館戚氏家時翁與姪廷模等纔異爨長次二男亦析箸第與未婚之幼子已字之幼女同居家業日微兼推心病予欽其人又悲其遇時問候因備知其顛末奈天命不佑卽告終於是

年十月廿二日子時享年五十有九配金氏德性溫柔相夫
子勤劬太過亦眈目疾育三男曰廷植廷槐廷瑞俱以禮婚
娶三女長適歌山郭子仁次適騰蛟門吳國安幼適峽溪虞
仁潮皆屬名族嗚呼以公之爲人而困苦顛連若此天乎人
不可得而知也然予已十翁之必昌其後駭乚有未艾者爰
爲之傳

昔

乾隆戊午年菊月

峴北邑庠生徐洪奇拜撰

順世四公像贊

性專而直容肅而貞其治家也克勤克儉其訓子也惟讀惟耕安一邱與一壑鄙求利與求名而乃孝友性篤因慟哭竟至於喪明豈非鄉邦之善士宗黨之令人也歟

順二十四公金氏安人像贊

恭惟太君德性溫良夙嫻內則舉止端莊和於妯娌孝於姑嫜躬親機杼朝夕靡遑中饋是主儀度有常勤相夫子式穀義方壺範克敦無或不臧懿徽裕後百世其昌

邑庠生王廷華拜讚

素齋先生傳

順世七

君諱標進字用先素齋其別號也爲人甘澹泊慎交尺寸
自守不喜馳騁取與非義雖一介必嚴與鄉曲處雍乚樂易
及遇無恥之輩與志不相合者未嘗不避之若浼蓋其中之
涇渭甚明也性至孝昆季凡四分爨後季弟尙幼尊翁不無
愛憐之意君每事先意承志極親之歡不屑乚較錙銖於手
足間以故式好終身得天倫之樂事焉而尤篤於友誼初余
從梅庵徐夫子遊每過訪必劇談終日吾夫子於訓課之暇
論及吾鄉品誼文章之優者輒指爲首屈固已悉其梗槩迨
後余年稍長得遊庠序君遂引爲忘年交因相與往來者久
余益得其性情今年十月旣望戚氏修葺家乘出其年譜一

篇示余更以知其巔末而因嘆其遇之多艱數之多阨以悲其志也其自叙云于生平閱歷大約不如意者常八九焉幼讀書苦乏師範至九歲延巍山趙偏瑞先生六年而先生逝世乃負笈至吳良從若杏李先生游始學爲文奈所遇同志不合又告歸後受業於澱溪李升上先生甚爲所器而學亦頗日進當是時也意氣自負自謂功名可以立就然且困童子試者幾二十年二十有四娶蔡氏不數年而產難亡又不數年而吾母去世既餘別鶴之悲復拖終天之恨幾七獨立形影相憐蓋幾無意於人世矣至三十一再娶吳氏自喜得內助人亦咸稱有孟光之遺焉然其間絀紡佐讀克成家業而無內顧之憂者僅十餘年而遂有卜氏之變卜氏者族姪

婦也家貧不能自活乃自經以嫁害於余遂至寄寃莫白迨
至雍正己酉而先大人病復不起人生之變殆歷盡焉嗚呼
夫以君之學問以君之操行而所遇顛沛如此在他人不知
若何塊壘若何忿恨悻悻然作不平之鳴卽不然委數任運
廢棄人事以至一無所就而乃蒙難艱貞益自奮勵年逾耳
順行不少變若君者豈非所謂庸中之皎也鐵中之錚也者
哉君舉丈夫子二長廷枚娶王氏次廷麟娶吳氏皆英敏特
達克承父志女一適巍山趙天錫西銘有云富貴福澤將厚
吾之生貧賤憂戚庸玉汝於成蓋觀於戚君而益信

昔

乾隆三年歲次戊午應鍾月

山

通家眷弟色庠生俞國賓拜撰

戚母吳太君傳

余向嘗從鶴麓徐爾修先生遊問其同里有契友姓戚諱標

進

號

素齋者然已不及接其言論丰采矣至己丑歲試於郡

城見戚子茂蕙聰俊好讀書且恂七恭謹則素齋先生之孫

也余欣然曰乃祖厚德垂裕在此乎壬辰冬戚氏葺家乘茂

蕙囑何君升初墾余爲其祖母吳太君傳吳太君者素齋先

生淑配也何君之言曰太君系出延陵考諱宏彩其嬪歸也

孝尊嫡和妯娌戚黨無間其言且機絲夜月砧杵秋風黽勉

襄家事使素齋公得以文學著名者賴其內助之力也及素

齋公歿治家益勤教子義方則恃而兼怙九熊勵讀則慈且

及孫今年八十有一矣二子五孫萊衣繞膝其福履蓋未艾

也余聞而重之為之傳

論曰不知其人視其友觀徐爾修先生而素齋先生可知矣
抑觀吳太君而素齋先生刑于之化更可知且觀其孫茂蕙
而吳太君之垂裕亦并可知何君其以于言更為茂蕙勗哉

昔

乾隆壬辰年冬月下浣之吉

帶溪胡以彩拜撰

王氏節婦傳

予讀詩至柏舟篇而知共姜之守義之死靡他未嘗不嘆其
貞一之志世罕覩也族有王氏者吾從弟標秀之妻也秉志
端莊賦性溫順孝行優於庭闈恭敬安於室內其見於平時
者如此標秀不幸早世遺有三男長廷榮次廷禧女
二長適水閣俞正僖次適包光閏王氏年僅三十有五矢志
茹荼備歷艱苦百折不回不修容勤績紡親操井臼不辭勞
瘁義方教子朝夕靡懈雖古之共姜何多讓也夫松柏之操
經霜愈茂金石之姿入火愈堅吾因其節而嘉其志而樂爲
道之以爲一族之光且以勵於後云

昔

乾隆三年歲在戊午應鍾月

從伯邑庠生標進撰



戚欽元舅翁序

從來人之所重者在德亦在才故有才者必有其德可知欽元舅翁居竹里其先世孝子茂卿先生以孝行見諸公賦贈翁其苗裔也其尊人用賓太翁早登黌序教以義方翁素聞庭訓昆季有五翁居其幼自少有推梨讓棗之風其生平謹飭不求聞達庭無城市之囂家有疏食之樂知竹里仁讓之德不改遺規族有事仗義率先善排解不畏強禦里黨中不遵禮教者婉爲曲喻若恃力才者直爲指示以視處炎輔勢者相去何如翁以才德自邀戊午春族長來告翁家史未修至今百餘年翁能訪其始而勤其終也天眷淑配陳氏相敬如賓不數年斷絃誓不再娶舉丈夫子一日廷鳳言辭遜讓

特達超羣異日其子若孫以振起茂卿先生之緒恢宏竹里
儒雅之林理有可卜豈非才德之所致也爰序其畧以爲後
日之徵云

昔

乾隆三年歲次戊午季冬之吉

光里徐應鵬拜撰

印

戚君通儒行傳

戚君諱標達字通儒和三十七公之幼子爲人樸實鮮華持

身不苟平日一動一言必繩乎規矩與鄉曲處恭遜樂易人

咸欽其雅量幼穎異卽爲尊翁所器而君事之益謹凡溫清

定省每先意承志得其歡心初不因鍾愛而生驕易蓋孝之

成於天性也昆季凡四極相友愛自歲時伏臘以及親朋燕

享無乾餽失德之愆雖分爨如同居得天倫之樂事焉治家

勤儉慷慨好施遇鄰里之貧乏者時爲賑恤故近時薄俗視

家計素豐之子多懷嫉忌獨君嘖也稱道弗衰無美服人指

之患乃天道難知甫成堂構規模宏敞極輪奐之美竟不得

享一日之安以卒一時間里哀思者停桴罷掄咸爲流涕娶

趙氏克嫺婦道舉丈夫子五長廷松娶金氏次廷柏娶王氏
三廷棟娶徐氏四廷發幼廷祥尙幼俱頭角崢嶸異日可
卜其成立而長子廷松才篤於孝初君年際強仕卽患瘋疾
艱於動履迨後益劇凡飲食起居必待人提攜扶持廷松與
其妻相繼侍奉毫無倦色雖嚴冬沍寒夜起者數四如此者
數年此難其子之克肖亦見君之義方教子儀型門內者有
素矣嗚呼有子若此吾知戚君必瞑目於地下又何憾年壽
之不永哉生於康熙癸酉八月十七日酉時卒於乾隆戊午
十月十五日巳時享年四十有七今因修葺家乘余與君相
知最厚故知之甚悉而序其槩如此

乾隆三年歲次戊午季冬之吉

家眷弟邑庠俞國賓撰

戚邦式兄處序

讓十三

讀韓昌黎送李愿歸盤谷序心竊向慕之今戊午冬予館於竹里邦式兄家山川秀麗桃李芬芳流連者久之竊嘆曰竹里殆李愿之盤谷邦式兄卽盤谷之李愿乎至其家堂宇森然坐列琴書彝考其先世高人傑士代不乏人茂卿先生以孝行傳迨文光先生任大嵩衛學論鴻公巨儒日往來不絕兄其裔孫也其王大父與尊人皆彬彬儒雅兄克承先志襟期灑落不與流俗伍有司賢其行舉爲約正里中老少內外無不受其模範生平制行卓匕誠非人所易及者矣元醜鶴巖王氏不數年而沒繼娶吳氏雅相敬愛肅家教內政井然舉丈夫子四長茂華年甫成立次茂英三茂蓮皆受業於予

四茂芬尚幼英七秀發將來正未有艾養碩望修潛德異日
學成名立皆由積累之功日與親朋論列古今則清風高致
有似世外逸民人間高士也爰序其略以俟採風者云

昔

乾隆三年歲次戊午季冬之吉

光里徐應鵬拜撰

竹里戚端士兄序

讓十九

自古豪傑之士出則有爲處則有守有一於此亦足取重於當世戚宅諱廷楷字端士者是予好友也其先世恆德不任大嵩衛學論施德教名勒石兄其裔孫也其王大父與尊人赫也儒林至今傳頌勿衰兄守素豐富好禮遵庭訓習舉業出就外傳志在青雲後以數奇不偶有願未酬退而家計日煩祖父喪葬惟兄之功親朋往來惟兄之酬男婚女嫁惟兄之力勢強力弱惟兄之禦不以激烈僨事而以和協運壽夫蝸角虛名蠅頭微利營也逐也者兄則置之淑配三仁金氏相夫子克嫺婦道舉丈夫子五長茂蘭次茂萃三茂芹皆明敏特達英也鵲躍將來正未可量尊長來告家史百餘年未

修而兄竭力童率其事譜將成予於兄夙昔締交故不辭鄙俚特叙其大略以附家乘云

昔

乾隆三年歲次戊午臘月吉旦

眷弟同學考授佐州司馬韋各聞拜撰

贊曰

淳謹鄉閭玉不瑕鶴巖林畔弄煙霞披圖便爾醇堪飲腹
有詩書氣自華樂事天倫最可風桂蘭膝繞氣融七醅
顏擬有丹砂鑄豐鏢都來頌是翁里言恭題

端士年先生喜照

政

崖溪徐英拜

才頌

不

戚母金太夫人傳

戚諱茂梅字景占余研友也在昔講論之暇談及家政屢也稱述太夫人阿母之賢心甚慕之壬辰秋余自都回辱承景占之間叙寒溫外而復以阿母懿行囑余傳之余思藝文傳記古通人事也然誼已列蘭譜則有不容以不文謝者遂按狀而論次之母出自名門由敦金及之幼女也幼習姆訓精女紅父母及諸姑咸嘖也稱善焉年二十而嬪于戚端士公之淑配也公少治經書力志藝圃幾受雪案螢囊之苦母脫嫁時簪珥佐之殆盡不聞稍有違顏公卽屢試不售毋復出爲勸勉而油然而弗芥也公好賓客每逢花放禽鳴時邀騷人治酌母具盤殮惟精潔是尙縱春荀秋蕁無人不嘆爲上味

尤善事翁姑一飲一食必以和顏進之綜核中饋老少內外
 一一喻之以禮故人樂稱役使陸字畜特水母魚鱉園治
 瓜果茶蔬凡有應酬則取諸宮中而裕如矣寸絲半縷必經
 己手辟繡織紉篝燈熒以丙夜不懈而自奉則衣無重帛朝
 夕一盂蔬其家業之所以隆隆阜起者非阿母之力乎他如
 和妯娌睦姻親處衆待下無不各有其恩云舉丈夫子五長
 茂蘭次茂萃三茂芹四茂芑力田務本家貲日裕幼即于友
 茂梅揣 藝苑噴有賢聲雖未克稍伸其志其南山之豹北
 海之鵬乎孫男九頭角崢嶸殊多磊落於是而知蔗境之樂
 方未艾也因不辭謏陋而為之傳

昔

皇清乾隆三十七年歲次壬辰菊月中澣

年家眷姪澱溪李景蓮撰

贊

貞靜幽閑太似遺德嫻自有福來宜一庭蘭玉陰森聚爲
誦關雎麟趾詩 歲比夫君少十年齊眉舉案孟光賢從
頭相敬賓同對偕老雙七作壽仙

里言恭題

大壺範戚金太君照喜

崖溪徐英拜

二伯父廷槐行略

壬辰歲予族重修家乘族中耆老不少縉紳先生皆爲之傳

惟昌二伯父

諱

廷槐

字

仲培者秉性醇樸不尙浮華

伯父

自幼持身孝友睦姻慈孤恤寡人皆稱爲忠厚長者况先

伯母王氏克敦婦道不幸早歲而卒遺四兄一姊俱未成立

兼之家事繁冗日不暇給人之勸伯父續娶者紛七伯

父曰人之聘娶爲宗祀計耳予有四子已免不孝之罪何復

娶爲倘新不如故徒使子女受殘予何忍焉夫惟勤儉治家

內外兼理訓子義方門內雍肅至今男婚女嫁蘭桂森七昌

乃請曰伯父之積累有堪表述者胡不受道之士載諸家

乘以勵風俗示子孫乎伯父曰汝之所述皆吾分內事也

更求名士筆札胡爲哉昌思人惟不能自盡其分耳吾
父既克持其身以盡其分未嘗不可以傳誌者昌不敏不克
詳其梗槩敬書其大畧云

昔

乾隆三十七年歲次壬辰應鍾

不肖姪茂昌拜撰

戚君廷鳳兄行傳

嘗聞根深者葉茂源浚者流長戚君諱廷鳳者乃士翔翁之
子也其存心公道言行恂匕一無所苟惟以古道自敦此其
樹德之務滋爲何如哉其事親也婉容和色承順無違晨昏
定省敬不少懈而孝養之道悠然可風及至閭里之中曲直
是非不徇勢利柔不茹剛不吐蓋所謂里中之忠厚篤實者
非虛語也今年六十有三康健清壯志氣不衰配王氏亦有
淑德生三子長茂彩次茂彰幼茂彬皆稟性靈敏聰明俊秀
嶄然見頭角則後日之家聲固可必其宏大矣壬辰歲修葺
譜牒君亦屬在董事不辭勞瘁共勳厥成余仰其有古人遺
意是雖不能盡道其詳亦以畧誌其槩云

昔

皇清乾隆三十七年歲次壬辰黃鍾之吉

眷弟鳳山周維楨謹識

印

士成戚君行述

戚君

諱

廷樟

字

士成行讓三十二係順三十四府君之長子

也余自辛未來館鶴麓已知有戚君矣迨至乙酉君詔其子茂學從余游後數年茂學復偕其弟茂覺來學于余是年冬茂學以族修家乘將竣欲爲其父立傳以垂後世然有不直請於余乃因俞子周重氏以達之予曰戚君之爲人也貌樸言質尊師重友不事華侈予固知之然平居持身接世予未能悉知使妄爲之傳不獨予不敢揮筆卽戚君亦必不欲以亡爲有妄自欺人也周重氏謂子曰先生不知戚君之爲人我則知之素矣幼讀書長務稼穡暇則常取戚應錄讀之謹守家業不切七於財利腦盡之日見親族鄰里貧乏者必有

以周之娶趙氏生一女年逾強仕未獲弄璋忽當雍正戊申年四月間祖父命送李於姻家祖母因夜夢不祥有不欲其去意特未顯言遵命徑往迨至九都廟間先有一人慰此同言共語外投李食之恰有懷核風後偕去過水彼先下招同涉此蓋不期滅頂之象也不料水深翁溺焉直流至四五里餘方有人拯之竟無恙歸言其狀方知與夢相符大難不死必有後祿事豈偶然者哉其弟廷梧勸之納妾戚君不從隱託親朋屢勸之戚君曰吾弟有後吾先人不孤矣納妾胡爲其弟知兄志不可變多方激之因娶側室李氏生三子茂學次茂賢幼茂棠皆頭角崢嶸并兼天資明敏必能光裕家聲者人盡知其弟之賢亦豈非其兄有以威其弟而使其弟有

戚廷梧譜傳讓三十五

戚廷梧字鳴鳳順三十四府君幼子也幼而穎敏質性溫柔忠厚居心謙和待人家素貧乏善奉高堂兼資內助之賢偕伯兄躬親力作晨起晏息儉嗇自奉甘宏藜藿循是積銖累錙日計不足月計有餘其家漸豐饒聿新堂構廣置膏壤莫不從朝辛暮苦中來也嗟乎觀鄉而知王道之易入里而識仁風之美惟特州黨中有淳厚善良之子薰被鄰里使囂儼不作強梁不起斯可稱一鄉之善人矣吾與廷梧雖居樓遙隔然時爲往來素知其賢不誠克當此也乎彼夫尙驕侈喜陵誥刻薄成家武斷鄉曲以顛倒人是非村俗見而切齒痛肝敢怨而不敢言其家亦未嘗不富乃旋長旋消涸可立待

以其富皆從可算妄取所致天道昭彰而神忿鬼疾豈有久
享之理况廷梧之家皆從辛勤作苦而來更能知天佑之難
僥倖時周恤窮困解濟危急修橋梁治道路凡有利益於人
者勇往樂從以倡率鄉都將見善量既宏而集福必大其家
勢之熾昌又寧有既也耶吾老矣年屆八旬而閱歷頗多廷
梧已歿其後嗣有能繼述父志以推廣所爲者則子孫之興
起門閥之輝光更不知何似矣廷梧生二子長茂賢幼茂元
其各勉乎哉誠克副予之所望則即可持吾之言爲左券也
可

乾隆三十七年歲次壬辰秋月

眷弟須江廣文鐵霞王崧壽撰

贊曰

據公之軼事意氣槩之不凡其貌侃其神藏其志淡其行芳
棲泉石寄迹邱園游之無何有鄉且也怡情觴詠時與舊遊
共聚歡噫其無懷氏之民與抑葛天氏之民與

昔

乾隆辛亥年冬月之吉

眷姓邑庠生王廷華題

印

不忍其兄之罔繼者乎予亦應曰然唯也吾不暇論戚君他
事之賢即此兄弟之相友愛已足愧世之兄弟視若路人者
矣

昔

乾隆三十七年歲次壬辰季冬下浣之吉

臺麓李夢雷撰

讓三十二公像贊

公貌而樸公行而篤孝友天然忠恕自足圭角不形機械不蓄正厥心官發為智燭既禮士以好賢亦防邪而友俗自奉每甚惜夫錙銖周貧則弗吝夫錢粟耕鑿公之執業暇則好讀感應之錄吁乃如公者其貽孫子以有穀

昔

乾隆歲在丙申臘月吉日

蟾程李夢雷頌首拜撰

印

讓三十五胡氏安人傳

太君胡氏幼秉姆教淑順溫恭迨至于歸孝奉翁媪咸和娣
妯待下惟寬禮賓以敬其相夫子成家也整匕有條儉約自
奉辛勤力作晨起秉機晚風殘月夜深縫裳霰浦霜結若忘
其爲勞瘁者初時家不甚饒以後日漸充裕置田產新棟宇
訓子成立鄉族無不嘖匕稱美內助之賢能茲據伊長子茂
賢所述誌其大槩以登諸家乘固非撫拾浮詞以光譜牒者
所可比也

昔

乾隆三十七年歲次壬辰秋月

眷弟須江廣文鐵霞士崧壽撰

贊曰

端莊靜貞肅然其容淑慎賢能粹然其德閨門之懿範真堪楷模乎妯娌今耄耋而康寧日觀子又生子孫又生孫濟濟盈庭兆螽斯之振也予將頌五福以為之贊

昔

乾隆辛亥年冬月之吉

眷姓邑庠生王廷華拜題



襟丈廷瑞翁傳

襟丈姓戚氏諱廷瑞字德玉竹里人也與余同爲練溪何氏壻初識荆時見其言行恂也一無所苟心竊偉之以爲其人大有長者風然忽也二十餘年矣今歲戚氏重修家乘內兄升初囑余傳之余辱在姻戚義不容辭因次其畧於左襟丈爲人性恬靜不求聞達崇節儉黜浮華里中少年侈蕩者必正色戒之至於延師課子初不惜費凡賓朋往來繫維永夕曲盡其禮而且矩矱是遵非法不言非禮勿履卽文人學士無以過焉以彼其人殆所謂謹厚性成鄉黨自好者乎所以通日家計益饒駸七日上誠有莫可量者矣淑配承年公女以其行則余姨也柔順勤謹克敦婦道相夫成家厥功甚

偉舉丈夫子三長茂昌沉潛力學嘖有俊聲不久作池中物也次茂曼三茂昂皆頭角崢嶸不減謝庭玉樹女四俱有咏絮之姿夫源遠者流長根深者葉茂天下事類然也以襟丈之古道克敦則今日之寢熾寢昌固其宜焉者矣呵凍書之庶幾後人聞而知所興起也乎

昔

皇清乾隆三十七年歲次壬辰十一月朔

襟弟巍屏趙 樸頓首拜撰

廷枚兄傳

戚兄廷枚者予同庚友也自幼曾習舉業親見尊翁素齋公
苦志子經史終困鄉場喟然廢書嘆曰各教自有樂地奚必
拘七蠲再虛名束縛一生遂置書高閣賦質磊落作事不拘
成格自合法度率性以行而啾唔咕呷之儒莫之或過事母
極謹昏定晨省不敢少懈淑配王氏妙齡早世或勸以上有
垂白之親下有提攜之嗣非再續琴絃難以保養兄每一身
任之倍加悽苦堅却不許益見綱常整頓令人可敬甲申秋
合族議造家廟以地基半座實係己業令弟廷麟有樂助意
慮家人未允兄曰阿弟既有此志吾當力以成之於是歸謀
少長慨然捐己產立廟鳩工庀材百堵皆興不日告竣其他

事仗義不吝往也類此性嗜酒好談往來多一時名士每花
晨月夕樽中不空座客常滿呼盧浮白有旁若無人之槩余
常往過其間兄每握手間有言必盡不醉無歸懇也懃也
逾骨肉因憶向者予家君以濟世爲心有志未逮命余學岐
黃術車馬風塵僕也道途見兄十畝閒也煙霞自適官租已
足之外吏不得呼官不得擾視弟踪跡不啻有仙凡之別將
謗所云同庚不同命者其是之謂乎子二長茂信克勤克儉
善繼父志次茂仁幼穎異後不可量今當家乘重修丐余爲
傳余忝在同庚因不辭固陋畧爲之記其大槩云

昔

乾隆三十七年歲次壬辰黃鍾之吉 眷弟曙峯何 旭撰

讓四十八暨安人趙氏行傳

從來天道有可知有不可知不可知而仍歸於無不可知也
恭爲善必昌修德獲報其可知者也善者不必盡昌德者不
必果報此其不可知者也而否極泰來當流離顛沛之後必
使之隱延一脈以爲後日熾昌之兆此又其無不可知者也

鳳荆妻係八字墻戚君讓四十八公之女岳父自幼喪父稍
長失恃門衰祚薄家計寒微艱難辛苦幾備嘗之矣而公之
立志矯然出作人息無刻或懈遂致家業日盛尤不可及者
取與必酌請至當稍涉非義一毫不妄取於人接物恆待之
以寬人有非禮平情而返之於己義所當得寧歛於外之中
無踰乎分之外力所能爲立捐己之所有以濟人之不足推

之一言一笑一往一來無或稍苟謂非特立於風塵之表者乎更足多者岳母趙氏幼孀戚門操井白供服御往來賓客待用之資取諸室而裕如至若課兒訓女幾不動中規矩則其家計之寬裕雖由岳父之力勤守約抑亦岳母之夙夜辛勤勤勤不違而相與有成也公生一女二男鳳女鳳之拙荆長名茂松次名兆秀依匕膝下頭角崢嶸此天道之可知者也無何次男蚤亡長男完娶岳母沒後未滿初旬未及獲嗣不旋踵而茂松亦亡惟公一身熒匕子立形影相弔天之報施善人爲何如哉此天道之不可知者也而幸也公續娶金母叨生一子名茂梁形狀魁梧智略過人其後日熾昌已於是而可預卜者此又天道之不可知而仍歸於可知也公諱

廷桓字爾齊享年六十有四岳母享年六十有六茲當戚氏
家乘告竣余悲公之志而又哀岳母半生勤苦而終不克昌
厥後也故不敢自謝不文略陳斯語以附其末云

告

嘉慶歲次癸亥黃鍾月吉旦

壻男郡庠生俞鳳翔拭淚拜撰

贊曰

嗟予岳父幼時失怙稍長失恃終鮮弟兄門祚衰薄由是努
力耕耘蚤作暮休家既日就充盈爲人愈增皎潔財非外而
不取人非義而不交遠塵俗之淫囂嚴非禮而弗履存心忠
厚濟人所乏亦憫人所無與人謙和周既中規亦折旋中矩

身法原上集詩 卷之三
時守越畔之戒恪循道義之門言既出而必踐前有約而恐
負喜談聖賢之故事欣聽仁義之微言雖未目覩乎羣書亦
何愧乎儒修之淵雅

趙氏金氏安人并贊

語云莫爲之前雖美弗彰莫爲之後雖盛勿傳予岳母趙氏
安人者幼嬪於戚家計蕭然左右厥丈竭力贊勩親操井臼
頽起寒微無何年未五十奄然棄世單生一子中道而俎賴
有安人金氏繼之理內職於有緒修婦道於將衰夙夜辛
勤前徽勿替家計愈以豐盈門風愈以克拓縱舉子之無多
賢孫淑女紛然滿室嗚呼趙金二氏前旣創而後克守繼之
承之永垂不朽才能旣後先而輝映遺容自宜並壽乎一堂

戊辰春上澣之吉題於育賢書室

嘉慶十三年正月吉旦

小壻郡庠生俞鳳翔頓首拜撰

戚君廷麟兄傳

嘗觀竹里家乘其先世之彝倫風化并也條也垂澤於後世而後世之繩祖步武繼也承也克振規模者代有其人戚君諱廷麟字振公乃素齋先生之幼子也性恬靜不尚繁華常納言一惟誠篤自矢持身以敬處世以和其事親也和顏悅色而晨昏定省之際日無少懈其友兄弟也庭植紫荆不栽田氏之風尤所難者于甲申年族建家廟君則直任其事不辭勞瘁乃與其兄諱廷枚商曰常建家廟基址尙欠後進不如將父所遺之地助於常浩以繼父志兄亦允諾不吝誠所謂難兄難弟繼志述事者矣歲壬辰冬重修家乘君亦董理其事勲也懇也無不秉公而行此又予之所目見者淑配

與 肅 嫻 閫 範 內 政 整 然 與 丈 夫 三 三 長 茂 黃 次 茂 成 幼 茂
易 齊 克 嶷 兗 岐 特 達 超 羣 而 茂 黃 白 篤 於 學 將 來 豹 變 鵬 飛
未 可 量 也 余 屬 在 與 事 故 不 辭 鄙 俚 以 叙 其 梗 槩 云

昔

皇清乾隆三十七年歲次壬辰黃鍾月之吉

眷弟何安曉拜撰


